

【剃頭】張美容原作

前幾日仔去剃頭店剃頭，看著一個兩、三歲个細人仔，為著剃頭噉到噉惶殺天¹，大人細子全部都搵到汗流脈絡，實在還衰過哪。這下較大咗，剃頭該下毋敢噉，毋過還係恁驚剃頭，乜共樣恁惱剃頭！

驚剃頭，係因為 當無膽，驚師傅手項該支剪刀撈剃頭刀。見擺一坐落凳頂，圍好剃頭帕，看著師傅擎等剪刀對等，就開始怵怵²，試著過忒千年恁久頭那毛正剪好，正想愛故一下大氣定定，師傅又擎等利利个剃頭刀愛來刮吾腦之背³个毛腳，這下還較得人畏哩。驚到頸根緊鉤、屎肫在凳頂扭來扭去，師傅緊刮緊咄⁴ 毋好停動，無奈何，牙根齧等、拳頭嫵搭等，由在人刷割。係走得得，定著起腳滑走⁵，一分鐘就毋停跔。唉！剃頭實在得人驚！

¹ 噉惶殺天：音 veˋ vongˋ sadˋ tienˋ；高聲呼叫。

² 怵怵：音 bid bid cadˋ；不停發抖。

³ 腦之背：音 noˋ ziiˋ boi；後腦杓。

⁴ 咄：音 doiˋ；喝斥。

⁵ 起腳滑走：音 hiˋ giogˋ vad zeuˋ；拔腿就跑。

到三、四年生起勢，膽較在⁶哩，無恁驚剃頭，嘎變做惱剃頭，因為師傅該張嘴當得人惱，佢總係在撈 剃頭該時節，講講擎一千擔有个無个。可能大家係老鄰舍倘⁷熟事咗，佢長透緊剃緊同 打嘴鼓，一下仔問：「若頭那毛落麼个肥，仰會生到恁靚、恁多？」一下仔又講：「營養毋好專門搵到頭那毛去，愛食較高 大兜仔正有影哪！毋好像矮嫵車樣仔矮怵怵仔⁸。」面皮薄、驚見笑，長間目珠眨等詐無聽著，一肚懊惱⁹想：「仰結煞！脣頭个人定著在該笑 咗啦！還惱！還惱！實在還惱剃頭。」

最冤枉个係，有一擺師傅毋知仰仔，剪刀一溜¹⁰，嘎撈吾个耳公剪溜皮，跔等就出血。師傅緊同 膏藥仔，緊嘍嘍啣啣講：「頭那毛恁多，當毋好剪。」仰形嘎變做 毋著！轉到屋下想愛同阿姆做嬌，無想著阿姆毋單淨無安慰，顛倒罵 講：「毋恬恬坐等分人剃哪！耳公無分人剪忒就異好哩。」限勢 愛噉毋得嘴扁，聽著阿姆恁樣講，黏時「哇」一聲噉出來。係做得，甘願鬢頭絞髻¹¹也無愛去剃頭。

剃頭个齣事，幾隻月就愛再過來一擺，還艱苦哪！日日想、日日望，想望煞煞大，做得像大人恁樣，去電毛店剪頭那

⁶ 在：音 cai；穩固。

⁷ 倘：音 tiongˋ；太。

⁸ 矮怵怵仔：音 aiˋ dudˋ dudˋ eˋ；矮嘟嘟的。

⁹ 懊惱：音 au nau；懊惱。

¹⁰ 溜：音 tiu；滑開。

¹¹ 鬢頭絞髻：音 nungˋ teuˋ gauˋ gi；蓬頭散髮。